



**ҚАЗАҚСТАН РЕСПУБЛИКАСЫНЫҢ
ҰЛТТЫҚ БАНКІ
№ 96 Б А С П А С Ө З Р Е Л И З І**

***«Қазақстанның фаунасы мен флорасы» монеталар сериясынан
«Бәйшешек» ескерткіш монеталарын айналысқа шығару туралы***

2014 жылғы 19 желтоқсан

Алматы

Қазақстан Республикасының Ұлттық Банкі 2014 жылғы 19 желтоқсанныан бастап «Қазақстанның фаунасы мен флорасы» монеталар сериясынан номиналы 500 теңгелік, «proof» сапасымен «Бәйшешек» ескерткіш күміс монетасын айналысқа шығару туралы хабарлайды.

«Қазақстанның фаунасы мен флорасы» монеталар сериясынан «Бәйшешек» күміс монетасының пішіні сопақ. Монетаның бет жағында (аверсінде) бәйшешек күлте жапырақшаларының стильдендірілген бейнесі аясында Қазақстан Республикасының елтаңбасы, екі жолға орналастырылған және монетаның номиналын білдіретін «500 ТЕҢГЕ» деген жазу және Қазақстан теңге сарайының тауар белгісі бейнеленген. Айналдыра мемлекеттік тілде «ҚАЗАҚСТАН ҰЛТТЫҚ БАНКІ» және монета дайындалған металды, оның сынамын және массасын білдіретін «Ag 925 31,1 g» деген жазу бар. Жазбалар нүктелермен бөлінген.



Монетаның сырт жағында (реверсінде) бәйшешек гүлдерінен жасалған композиция бейнеленген. Композициядағы астыңғы гүлдің ішкі бөлігі алтындатылған. Айналдыра мемлекеттік тілде «БӘЙШЕШЕК» деген жазу, латын тілінде түрдің атауы «CROCUS ALATAVICUS» және соғылған жылын білдіретін «2014» деген сан бар. Жазулар мен сан нүктелермен бөлінген.

Монетаның бет және сырт жағындағы бейнелер мен жазбалар бедерленген. Айналдыра шығыңқы жиек.

Қыры (гурты) бедерлі.

Монета 925 сынамды күмістен жасалған, массасы – 31,1 грамм, сопағы 38,61 x 28,81 мм, дайындау сапасы – «proof», таралымы – 3 мың дана.

Номиналдық құны 500 теңгелік ескерткіш монета Қазақстан Республикасының бүкіл аумағында көрсетілген құнымен төлемнің барлық түрлері бойынша, сондай-ақ банк шоттарына есептеу үшін және аударым жасау үшін қабылдануға міндетті, Қазақстан Республикасының барлық банктерінде шектеусіз ұсақталады және айырбасталады.

«Бәйшешек» аты өсімдіктердің ерте гүлдеуімен байланысты, бұл гүл қардың астынан өсіп шығады. Бәйшешек ұсақтасты және сазды жерлерде, шабындық пен қырда, бұталы тоғайда тау етегінен бастап орманды алқаптың жоғары шегіне дейін өседі. Жоңғар Алатауында және бүкіл Тянь-Шань бойында кездеседі.

Ескерткіш күміс монета бетіне алтын жалатылған технологияны қолдана отырып дайындалды.

Ескерткіш күміс монетаны «Қазақстан Республикасы Ұлттық Банкінің Қазақстан теңге сарайы» шаруашылық жүргізу құқығындағы республикалық мемлекеттік кәсіпорны дайындаған.

Монетаның дизайны Қазақстан Республикасы Президентінің 2003 жылғы 25 қыркүйектегі № 1193 Жарлығымен бекітілген Қазақстан теңгесі – ұлттық валюта банкноттары мен монеталары дизайнының тұжырымдамасына сәйкес әзірленген.

«Proof» сапасымен жасалған ескерткіш күміс монета коллекциялық құны бойынша сатуға арналған. Ол кәдесыйлық ораумен шығарылады және Қазақстан Республикасы Ұлттық Банкінің мемлекеттік, орыс және ағылшын тілдеріндегі нөмірлік сапа сертификатымен жабдықталған.

Монетаны Қазақстан Республикасы Ұлттық Банкінің барлық филиалдарында, сондай-ақ ҚРҰБ-ның www.nationalbank.kz сайтының «Ұлттық валюта» парақшасындағы интернет-дүкен арқылы сатып алуға болады. Алматы қаласында мына мекенжай бойынша сатып алуға болады: Панфилов көшесі, 98. Анықтама үшін телефоны +7 (727) 273-83-98.

Толығырақ ақпаратты мына телефондар бойынша алуға болады: +7 (727) 270-46-39, +7 (727) 2 704 585; +7 (727) 330 24 97, e-mail: press@nationalbank.kz, www.nationalbank.kz.